



220004

kat.komp.



Mag. St. Dr.

P

Teol. 955

Dzielski Ath. Soc. Conclusiones theologicæ iuste  
mention d. Thomas Doct. Angelici.









Io triumphe ROSIS sint Orbe encomia toto,  
Magna quibus floret MECINIANA Domus.

CONCLUSIONES THEOLOGICÆ  
Juxta mentem D. THOMÆ Doct. Angelici,  
PRÆSIDENTE  
M. CASIMIRO VENCESLAO STRASZYŃSKI,  
S. Th. Professore, Ecclesiæ Collegiæ S. FLORIANI Ca-  
nonico, Præposito Miłyczowienſi,  
Obiectis ſatisfaciēte,  
M. ALBERTO JOSEPHO DZIĘSKI, Philoſoph. Doct. & Professore,  
In Lectorio Theol. Vniuerſitatis Almæ Academiæ Crac.  
Publicæ ad Diſputandum  
PROPOSITÆ.

Anno Dñi 1688,

Die 7. Nouembr.

7.

ET  
TOGA

ET  
SAGO





Omne decus Tibi Sancte Pater Iagielonia Pallas  
Debet, tum sacræ nomina docta Togæ.  
Ergo tuam fer opem nobis Dux Diue Lycæi  
Sarmatici, & nostri gloria magna soli.





*Illustrissimo & Magnifico Domino,*  
**D. CASIMIRO**  
**DE KUROZWEKI**  
**MECINSKI,**  
**CAPITANEO VIELVNENSI,**  
**DOMINO & PATRONO Obseruandissimo.**



*Vam Diuina prouidentia inter Paradisi delicias humano generi contulerat felicitatem, si eam primaeva innocentia retinuisset, aternum inter beata illa tempe commoraremur, sed manus illa, quæ fructum de arbore carpsit, hortum deliciarum occlusit, exclusitq; procul hominem damnatum ad spinas & tribulos* **ILLVSTRISIME ac MAGNIFICE DOMINE.** Ita locus voluptatis, in quo ver perenne mille spirabat gratias & Ethesias negatus hominibus, tristis solitudo caligoq; concessa, ut inter densas ignorantie umbras & difficultatum deuia, manus & intellectus hominis teneretur. In tanto nubilo nullum serenum, sed plusquam Cymmerie umbræ, ubi nemo sine metu, sine offensione processit, ciuissetq; in immensum malum, ni Diuina Maestas rebus humanis prospexisset, dedissetq; lumen, quod ad portas Paradisi monstraret iter, Sacram Theologiam intelligo, è cuius arcanis Theses presentes depromptas Magno Nomini Tuo **ILLVSTRISIME ac MAGNIFICE DOMINE** dedico consecroq; ut candidissimis **ROSIS** Tuis coronatæ, in Orbis faciem prodeant amenius etiam inter rigidiores seuientis Autumnus minas. Scilicet Gentilitium **ROSETVM** Tuum cum ipsa nascente Libertate Campis illatum Sarmaticis amenissimam fert semper æstatem,



tem, quam nulla temporis sortisq; penuria depascitur, sed felicissima successione, per amplissima in hac Republica honorum meritorumq; efflorescit subsellia. Nullam aetatem inuenies, quae Magnorum **P O R A I O R V M** non testetur aetatem inter belli Pacisq; decora illustrem, quorum gloria non ero iniurius, si augustos Eorum manes, quos magna virtus aternitatis intulit viridarijs ad Heliconis umbras non prouocauero, in Te Eorum famam & Nomina veneratus, qui omnem **ILLVSTRIS-SIMAE** Domûs adimplet mensuram. Efflorescit in Tuis meritis **ROSARVM** gloria, saluberrimis consilijs toties in facie Reipublicae per Generalia Comitia & Tribunal Regni propagata, atq; Praefecturâ Vielunensi illustris. Hac **TIBI** Tua virtus, amor Boni Publici, & Libertatis, honorum augustalia pandit, indubitata spe in amplissimis Reipublicae Subsellijs **ROSAS** Tuas collocatura, in quibus olim amenissime floruerunt; imò Diui Maiores Tui hîc vitæ statione peractâ, postquam fragrantia Rosarum suarum Orbem impleuissent, etiam eas ad Viridaria Celi transtulerunt, quidni & Caelestis Sapientia Eorum coronamenta in presenti expositione Thesium ambiat? innocens hac ambitio est, immò mea in **TE ILLVSTRIS-SIME & MAGNIFICE DOMINE** debita venerationis argumentum, in quem magna gratia & beneficiorum tuorum descendit amplitudo. Suscipies hoc oberati animi pignus & inter maiores Tuas curas patieris collocari innata in literas Literatosq; humanitate. Quod dum exposco, simul liberalem caelestium Gratiarum accessionem. Illustriss. & Magnifica Dominationi Vestrae exopto.

Vestrae Illustrissimae & Magnificae Dominationis.

Obsequentissimus, & Deuotus coram DEO Exorator.

M. CASIMIRVS VENCESLAVS  
STRASZYNSKI.



In Nomine Domini, Amen.

CONCLVSIONES  
THEOLOGICÆ,  
De Voluntate DEI.

I.

**I**N DEO verè est Voluntas, quæ spectata in ordine ad volitionem essentialem, non habet rationem Potentiæ secundum rem, & ratione rei conceptæ; sed secundum modum intelligendi, præcisè apprehendentem illam per modum Potentiæ, nec est quid primò constitutum Naturæ Diuinæ loquendo Metaphysicè.

II.

**O**bjectum Formale Motuum & Terminatum Diuinæ Voluntatis, est sola Diuina Bonitas, quam Deus diligit necessario necessitate quoad specificationem & exercitium simul, Creaturas verò existentes & futuras non amat necessario sed liberè, Creaturæ tamen Possibiles vt in se & præcisè possibiles, non amantur à Deo.

III.

**D**atur in Deo Voluntas libera, quâ liberè operatur, & vult circa Objecta creata, quæ voluntas vt Natura & vt Libertas est non distinguitur Virtualiter seu cum fundamento in re, sed solum ex parte nostri modi concipiendi.

IV.

**A**ctus DEI liber consistit in actualitate necessaria Voluntatis, terminata ad Creaturas seu connotante eas vt Objectum Volitum; nec consistere potest in De-

A

nomina-



nominatione extrinseca petita ex productione transeunte ad extra Creaturarum, neq; in Formalitate necessaria Voluntatis Diuinæ connotando effectus ad extra, vel actionem extrinsecam DE I, neq; in aliqua Formalitate reali & infinita ab Essentia Diuina per modum transeuntis inclusa, quæ possit adesse vel abesse à DEO; non addit etiam supra Volitionem Necessaryam perfectionem realem realiter ab illa distinctam, nec constitui potest per respectum Rationis ad Creaturas.

V.

**V**oluntas DE I non potuit manere omnino suspensa à terminatione libera ad Creaturas, nec esse libera Libertate Contradictionis; si autem DEVS in tempore aliquid velle inciperet, aut à libera voluntate desisteret, sequeretur Physica mutatio in illo: Vnde ex immutabilitate Diuina rectè infertur non posse Libera DE I Decreta variari.

VI.

**V**oluntas DE I Antecedens est, quæ Versatur circa Obiectum vt non Vestitum omnibus Circumstantijs, quibus est Executioni mandandum; Consequens verò Voluntas est eiusdem Obiecti, vt vestiti peculiaribus circumstantijs occurrentibus, & sic Voluntas DE I Antecedens est Voluntas secundum Quid, Voluntas verò Consequens est Voluntas simpliciter.

VII.

**D**EVS Voluntate Generali & Antecedenti vult omnes homines etiam post Adæ lapsum saluos facere: Prædestinatus, etiam existens in peccato mortali odio habetur à DEO odio antecedenti, diligitur verò ab ipso, amore efficaci consequenti. Hæc Voluntas Antecedens



dens, quâ DEVS vult omnes homines saluos fieri est propriè & Formaliter in DEO, non tantùm Metaphoricè & eminenter; per quam etiam DEVS præparat Media seu auxilia, quibus homines sufficienter ordinantur & præmouentur in vitam æternam.

VIII.

DEVS per Decreta ex se efficacia absolutè prædeterminat omnes actus nostros liberos non expectando aut supponendo liberum Voluntatis nostræ consensum, sed potius causando illum, quæ prædeterminatio quâ efficaciter præmouet & prædeterminat physicè ab extrinseco causas liberas ad operandum iuxta suam Naturam, minimè tollit earum libertatem.

IX.

EFFICACIA Diuinorum Decretorum extenditur etiam ad statum Innocentiæ Angelorum & hominum, pariter prædefinit DEVS Decreto suo absoluto & ex se efficaci Materiale peccati, secundùm omnes rationes, quæ aliquo modo malitiam moralem non exprimunt.

X.

IN DEO reperitur Formaliter Amor & non solùm Gaudium respectu intrinsecæ Bonitatis; non datur tamen Iustitia Commutatiua, licet datur Formaliter Distributiua, Misericordia quoque vt dicit affectum subueniendi alienæ miseriæ reperitur in DEO formaliter.

XI.

PROUIDENTIA omnium rerum creatarum datur in Deo, quæ non solùm se extendit ad species rerum, sed etiam ad Indiuidua corruptibilia, quæ consistit in actu Intellectûs Practici, seu in actu Imperij, qui Electionem subsequitur, & non in actu Iudicij illam antecedente.



# De Prædestinatione Dei.

## XII.

**C**onueniens fuit homines à Deo prædestinari, & defactò sunt aliqui prædestinati, quæ Prædestinatio ita est necessaria ad salutem, vt impossibile sit aliquem sine illa saluari, nec sufficit ad hoc generalis Prouidentia seu Voluntas Antecedens, quâ Deus vult omnium salutem, cuius Obiectum Adæquatum includit respectum & ad Personas & ad res, nimirum Gratiâ & Gloriam, vt ad Finem Qui, ad Personas vt ad Finem Cui.

## XIII.

**P**rædestinatio Formaliter & in recto solum essentialiter consistit in actu Intellectûs connotando tamen indispensabiliter actum Voluntatis, nimirum in ipso Imperio seu Iudicio Practico consequente Electionem, & non in Iudicio regulante electionem, neq; importat ex æquo actum Intellectûs & Voluntatis.

## XIV.

**P**rædestinatio non est Pars Subiectiua, sed Obiectiua; seu quantum ad Obiecta respectu Diuinæ Prouidentie simpliciter sumpta, inter quæ plura inueniuntur discrimina.

## XV.

**E**lectio Prædestinatorum ad Gloriam est omnino gratuita, non verò ex Iustitia & ex præiudicatis meritis, quæ Electio non est ad Gloriam qualitercunq; sed ad eandem vt dandam per modum Coronæ.

## XVI.

**O**pera bona moraliter ex Viribus Naturæ profecta non sunt Causa meritoria de condigno, neque de congruo



cōgruo primi effectûs Prædestinationis nimirum primæ  
Gratiæ auxiliantis, nec potest quispiam se ad Gratiā di-  
sponere proprijs Viribus etiam dispositione negatiua in-  
fallibili.

XVII.

**G**lorificatio seu Beatitudo Electorum, Iustificatio, &  
Vocationes tam efficaces quàm inefficaces sunt ef-  
fectus Prædestinationis illorum, pariter Gratiā sanctifi-  
cans interrupta etiam secundum suam Substantiam, &  
vt primò eis collata non solum vt recuperata; determi-  
natio quoq; Voluntatis nostræ ad bonum supernaturale  
seu bonus vsus liberi arbitrij vt se tenet ex parte nostra.

XVIII.

**S**ubstantia Prædestinati, seu esse Substantiale illius est  
etiam effectus Prædestinationis, tum bona omnia na-  
turalia & mala pœnæ, non tamen mala culpæ seu pec-  
cata: Permissiones tamen peccatorum tam in electis,  
quàm in reprobis sunt effectus Prædestinationis electo-  
rum.

XIX.

**P**rædestinatio est certa non solum certitudine Cogni-  
tionis & Præscientiæ sed etiam certitudine ordinis &  
causalitatis mediorum; numerus quoque electorum est  
Deo certus certitudine præscientiæ & prædefinitionis;  
in hac tamen vita seclusâ Dei reuelatione nemo potest  
certò scire an sit de numero prædestinatorum; & pro-  
bile est ex ipsis fidelibus Romanæ Ecclesiæ subiectis, mi-  
norem esse numerum prædestinatorum quàm reprob-  
orum.

XX.

**R**eprobatio Negatiua antecedit præuisionem demeri-  
torum personalium; iam verò Reprobatio Positiua  
supponit talem præuisionem; & prima Causa motiua  
Reprobationis hominum fuit peccatum Originale.

B

XXI.



## XXI.

**D**EVS omnibus reprobis tam adultis quàm paruulis dat media seu auxilia ad salutem sufficientia; permissio autem peccati actualis per pœnitentiam non deleti, & induratio in peccatoribus reprobis sunt effectus Reprobationis, non tamen permissio peccati Originalis.

## XXII.

**A**D essentiam seu perfectionem Libertatis non pertinet Indifferentia excludens Diuinæ motionis & applicationis necessitatem, imò est impossibilis: Vnde Decretum prædeterminans non tollit, sed causat actualem Voluntatis nostræ libertatem, & perficit libertatem potentialem.

## De SS. Trinitate.

## XXIII.

**D**atur in Diuinis seu intra DEVM actu verè & formaliter realis Processio vnius Personæ ab alia; quæ Processiones propriè sunt Actiones immanentes ac Vitales, & non puræ emanationes; & sumptæ actiuè nimirum Dictio & spiratio sunt ipsi actus intelligendi & volendi cum speciali modificatione virtualiter superaddita.

## XXIV.

**P**rinzipium quò proximum Generationis verbi & productionis Spiritûs Sancti, est Intellectus & Voluntas DEI, vt modificantur Relationibus Paternitatis & spirationis Actiuæ: Principium verò Quò primum & radicale est Essentia Diuina vt modificata Relatione, & nullo modo sola Relatio, nec sola Perfectio absoluta.

## XXV.

**P**rocessio Verbi Diuini est Generatio, & ipsum Verbum est genitum & Filius, præter quam Processionem Verbi Diuini, datur Processio per Voluntatem Spiritûs Sancti, non tamen est Generatio.

## XXVI.



XXVI.

**D**antur in Diuinis Relationes reales etiam secundum esse Ad, quæ tantum sunt quatuor, Paternitas, Filiatio, Spiratio, & Processio; spiratio verò actiua non distinguitur realiter à Paternitate & Filiatione, sed tantum virtualiter.

XXVII.

**I**nter Relationes & Essentiam Diuinam non datur distinctio realis modalis, neq; distinctio realis Formalis siue ex Natura rei; & sic Essentia Diuina vt virtualiter distincta intrinsicè & Essentialiter clauditur in conceptu Relationum, & Relationes de intrinseco conceptu Diuinæ Naturæ, non per modum transcendentis seu constitutiui intrinseci, sed tanquam modi intrinseci eius.

XXVIII.

**N**on dantur in Diuinis tres Existentiæ relatiuæ distinctæ inter se realiter & virtualiter ab Existentiâ absoluta Essentiæ; neq; Relationes ipsæ secundum esse Ad & Relatiuum addunt perfectionem Relatiuam distinctâ virtualiter à perfectione Essentiæ.

XXIX.

**R**atio Personæ verè & Formaliter in Deo reperitur, & in Personis Diuinis dantur realiter tres Subsistentiæ relatiuæ; præter quas Subsistentias relatiuas datur Subsistentia Absoluta conueniens Naturæ Diuinæ formaliter.

XXX

**P**ersonæ Diuinæ constituuntur & distinguuntur per Proprietates Relatiuas non absolutas, præter quas ponendæ sunt in Diuinis Personales Notiones, quæ tantum sunt quinque: Paternitas, Innascibilitas, Filiatio, Spiratio Actiua, & Spiratio Passiua.

XXXI.

**Q**uæ conueniunt Diuinis Personis ratione solius Essentiæ, singulariter tantum de illis dicuntur; & quæ eis solum competunt ratione Proprietatum Personalium, dicuntur tantum pluraliter; quæ verò eis conueniunt ratione Proprietatum & Essentiæ, dicuntur pluraliter & singulariter, pariter Filius in Diuinis potest dici alius à Patre, non tamen aliud, & è contra vnum cum Patre, non verò vnus dicendus est: Mysterium etiam Trinitatis non potest demonstrari ex effectibus Naturalibus.



XXXII.

**V**erbum Diuinum procedit ex cognitione omnium Personarum nimirum ex cognitione Paternitatis, ex cognitione sui, & Spiritus Sancti, imò etiam ex cognitione Creaturarum Possibilium; non tamen ex cognitione futurorum aut existentium: cui ratio Imaginis verè & propriè conuenit non tamen Spiritui Sancto.

XXXIII.

**S**piritus Sanctus etiam procedit à Filio, Pater tamen & Filius sunt vnum Principium Spiritus Sancti, & sic pro Principio productiuo duas Personas per se exigit, proceditq; ex amore omnium quæ sunt formaliter & necessariò in Deo, non tamen ex amore Creaturarum Possibilium aut existentium: & si non procederet à Filio non distingueretur realiter ab illo.

XXXIV.

**P**ersonæ Diuinæ sunt inter se perfectissimè similes & æquales; Relationes tamen similitudinis & æqualitatis inter illas non sunt reales sed rationis; neque datur Relatio realis æqualitatis aut similitudinis fundata in Proprietatibus Personalibus, & Virtualiter distincta à Relationibus Originis.

XXXV.

**M**issio cōuenit Personis Diuinis non tamen omnibus, cū non conuenit Patri, ex Personis etiam quæ mittuntur, non potest vna Persona mitti sine alia, quæ Missio si sit inuisibilis tantum est ratione Gratiæ & Charitatis. Cui Deo vni in Essentia, Trino in Personis, sit Laus Honor, & Gloria.

SUB FELICISSIMIS AUSPICIIS,

*Magnifici, Perillustris, & Reuerendissimi Domini,*

**D. M. MARTINI WINKLER,**

S. Th: Doct: & Profess: Collegij Maioris Senioris Patris, Ecclesiarū,  
Cathedr: Crac: CANONICI, Collegiatarū Sandomiriensis PRÆPOSITI  
Kielcensis Scholastici, Curati Premycouien: Contubernij Gelaniani, & Scholarū Nouodvorscianarum PROVISORIS.

S. R. M. SECRETARI,

Studij Almæ Vniuersitatis Cracouiensis

Generalis & Vigilantissimi

**R E C T O R I S.**



*J. K. K. 30.*







~~Constitutional Liberty and the American People~~

~~of the American People~~